

新
孝
語
林

新語林目錄

卷一

德行……

卷二

言語……政事……

卷三

文學……方正……雅量……

卷四

識鑒……賞譽……品藻……規箴……

卷五

捷悟 夙慧 豪爽 容止 自新.....

卷六

企羨 傷逝 曠逸 賢媛 術解.....

卷七

巧藝 龍禮 任誕 簡傲 排調 輕詆.....

卷八

假譎 黜免 儉嗇 汰侈 忿狷 讒險 尤悔
紕陋 惑溺 仇隙.....

新語林卷三

文學

王壬甫。文名滿天下。一時俊彥之好學者。咸折節下之。爲文導原莊賈。騁麗追步顏庾。詩歌逼近韓杜。沈著閒雅。中露英爽之氣。

王名聞。湖南湘潭人。舉人。嘗館于南順崇恩所。參會劉藩戎幕。落落無所合。出其所學以授門徒。曆長成都尊經書院。長沙校經書院。衡州船山書院。夏時撫贛。辟長幕僚。兼大學校總教習。宣統間。湘撫岑春煊。以所著諸書奏聞。得旨賜翰林院檢討。督侍讀。入民國任國史館館長。著湘綺樓全集。湘軍志。論語箋。尚書箋。禮記箋。春秋公羊箋等書。

樊樊山。才思敏捷。下筆千言。其師張之洞七十誕辰。樊盡一日夜之力。撰驂文二千餘言。壽之。有句曰。不嘉其謀事之智。而責其成事之遲。不諒其生財之難。而責其用財之易。張閱至此。段。掀髯笑曰。二百年來無此作。

樊樊山。

梁節庵與吳補松至相契。尺箋通問不絕。梁曰。雪屋孤臣。此心千里。何日良晤。董輿論文。

梁吳俱見前。

柯鳳孫淹賅蒙古事蹟。指陳得失。洞中肯綮。重撰元史二百五十七卷。自謂不遺一事。不妄一言。

柯見前。

王益吾博通羣籍。著述自娛。法阮元編續清經解。倣姚鼐輯續古文詞類纂。王湘綺過其廬。並取而讀之。曰。經解雖不能抗行芸臺。類纂或足以比肩惜抱。王大樂。

王名先謙。湖南長沙人。翰林。授編修。歷官國子監祭酒。督江蘇學政。晉內閣學士。

王見前。

繆筱山博通羣籍。貫澈源流。金石目錄之學。冠絕海內。

繆名荃。孫江蘇江陰人。翰林。授編修。擢四品京堂。充學部圖書館館長。著有藝風叢書。

朱漚尹澹泊寡營。逍遙物外。工倚聲。其詞鎔鑄藻采。沈麗俊邁。造端微茫。而恰得其分際。自成一家之言。半塘老人謂爲六百年來真得夢窓神髓者。其傾倒如此。

朱見前。

馬通伯姚叔節皆淵雅淹博。論者謂馬追惜抱姚法望溪。

馬名其親。安徽桐城人。舉人。官學部主事。入民國爲參政院參政。著述甚富。姚名永概。安徽桐城人。舉人。著有慎宜軒詩文集。

楊惺吾淹通宏博。善考證。精鑒別。尤擅輿地金石目錄。繫海內外之望。歸然爲東南大師。著書數百卷。晚成水經注疏一書。尤竭畢生之力。羅叔蘊推其糾正全氏趙氏戴氏之失。創獲真諦。當爲千載上下絕業。聞者以爲然。楊亦據以自憲。

楊名守敬湖北宜都人。舉人。授黃岡縣教諭。調黃州府學教授。張文襄督湖廣。欽其賢。聘爲兩湖書院及存古勸成兩學堂教習。通志局編纂。舉經濟特科。選授霍山縣知縣。不赴。以內閣中書用。嘗隨駐日欽使黎庶昌至東京。值維新伊始。其國人唾棄舊學。書遂以賤價得之。連船滿載而歸。日人悟引爲恨。事厥後日人島田彥植以十萬元購歸。安陸氏韻宋樓藏書價值數十萬金。作韻宋樓藏書源流考。猶述其往事。以爲此舉聊足報復。甲寅十一月卒。年七十六。著有水經圖水經注楷法溯源。歷代地理沿革圖。隋書地理志。禹貢本義。日本訪書志。續補寰宇訪碑錄。叢書舉要。留真譜。錢錄未刊者。不可勝紀。羅名振玉浙江上虞人。進士。授主事。工考據之學。

沈寐叟研精古學。究心佛典。爲文恢麗瓌瑰。題跋諸作。言人所不能言。發人所未盡發。瞿子玖曰。秀州文士。前有朱竹垞。後有沈子培。

沈見前。

瞿名鴻機。湖南長沙人。辛未翰林。授編修。出督河南。江蘇。浙江。四川。學政。任廣西。福建。鄉試正考官。由刑部左侍郎。移外務部尚書。兼軍機大臣。晉協辦大學士。素與岑春煊相善。岑以饒直揭奏。勸等罪惡。爲奕劻所惡。瞿御史彈劾之。罷去。入民國。授參政院參政。不起。

沈子惇創設法律學校於京師。育才逾千人。其有異者。獎成倍切。教習學生。有所質疑。爲文以答。娓娓萬言。讀者歎服。

沈見前。

馮夢華淹通經史。所爲詩文。宛絜峭麗。情藻兼盡。年臻耄耋。猶好學。寒宵暑日。吟唔弗輟。

馮名煦。江蘇金壇人。丙戌探花。授編修。簡授安徽鳳陽府知府。擢鳳穎六泗道。陟四川按察使。晉安徽布政使。巡撫恩銘被道員徐錫麟刺死。遂繼其任。入民國。政府命督辦江淮服務。江蘇省長聘修江蘇省志。馮曰。辦賑所以救災。黎修志所以保文獻。予皆不能辭也。

曹君直學問淹博。文章爾雅。精於鑒別古籍。家藏宋元本書籍極多。四方名人。

時以善本請鑒定。君直考其源流。別其支派。爬梳剔抉。撰爲題跋。每一篇出。士林爭傳鈔之。

曹名元。忠。江蘇吳縣人。舉人。內閣中書。

陳伯潛。博學多才藝。一時名聲滿宇內。被吏議。家居二十年。四方士大夫航海入閩者。必造其廬。飲酒賦詩。流連不忍去。

陳名寶琛。福建閩縣人。戊辰翰林。授編修。歷官內閣學士。任江西學政。因事降調去。隱居二十年。再起授內閣學士。兼禮部侍郎。銜外簡山西巡撫。未之任。開缺。以侍郎候補充宣統師傅。著強菴詩集。

陳叔伊。工詩。獨關蹊逕。句多險刻。淹有眉山象山之長。在都日文酒之讌。無虛夕。後進如梁衆異。朱芷青。黃秋岳。皆入贊其門。

陳名衍。福建閩縣人。舉人。與鄭孝胥友善。鄭嘗薦于張之洞。遂入鄂督幕。旋補授學部主事。乃居京師。兼主講大學文科。入民國。任福建修志局總纂。著有石遺室叢書百卷。

梁朱俱見前。

黃

名潛。福建閩縣人。京師譯學館畢業。任財政部秘書。移僉事。

沈愛蒼。有左癖。作詩文。未有不撻擗及之者。以外則施注之合注蘇詩。圈點數遍。動以自隨。古體詩才筆自喜。雖用蘇法。亦不盡然。往往序長於詩。與梧溪集。

石初集玉筍集相彷彿

沈名瑜慶。福建閩縣人。舉人。沈文肅之子。由道員累官至貴州巡撫。著有壽園集。按梧溪集。係元末王逢著。石初集。周靈震著。玉筍集。張憲著。

鄭蘇戡。以詩名於世。三十以前專攻五古。規撫大謝。浸淫柳州。洗鍊東野。沈摯之思。廉悍之筆。一時殆無與抗爭。三十以後。肆力七言。自謂爲吳融。韓偓。唐彥謙。梅聖俞。王荊公。而多與荊公相近。

鄭名孝。汴。福建閩縣人。壬午舉人。以知縣佐張文襄幕。累保至道員。擢四品京堂。充廣西邊防督辦。旋授廣東按察使。未之官。擢湖南布政使。國變後。鬻書海上。歲入數千金。著海藏樓詩集等書。

林畏廬。工古文辭。沈酣班韓者三十年。所作兼有柏枻。梓湖之長。陳石遺謂其於陰柔一道下過苦功。

林陳俱見前

陳伯嚴。詩學宋人。鎔鑄萬有。氣象雄渾。意境沈著。有黃河奔流千里一曲之概。陳名三。立。江西義寧人。以進士官吏部主事。戊戌政變。其父寶箴方撫湘。并革職。永不叙用。家於金陵。日與端方之流。評品書畫。端將具疏復其官。陳聞而堅辭。高潔匪人可及矣。

張齋菴。瀟懿簡素。有曠世之度。以文章書法名於世。論者謂其書神似劉石菴。詩亦雄放俊峭。肖其爲人。

張見前。

桂伯華。沈酣內典。妙悟三乘。貞志泊如。不婚不宦。久居扶桑。研求梵文精義。以拯國。肫誠篤摯。先天下之憂而憂。

桂名念祖。江西九江人。著有佛學教科書。其詩能得意忘言。和友一律云。詩心淡後無奇句。世事談多有淚痕。與子細尋無味味。共余相喻不言言。當來彌勒終生世。過去巫咸尙理冤。試把十方三際看。鍊渾倫亦不須吞。

曾重伯。生有異稟。博覽羣籍。於世界各宗教學派。莫不精研貫澈。有時託之吟詠。微言妙諦。迴出人表。

曾名廣鈞。湖南湘鄉人。由翰林出守廣西。著有觚庵詩存。

湯轅仙。工駢散文。在青陽縣任。條陳整頓兩淮鹽務。娓娓數萬言。無不盡之懷。上閱竟動容。詔授兩淮鹽運使。湯堅辭。陳伯嚴以詩寄之曰。飛書萬行淚。却聘五湖船。

湯陳俱見前。

胡子方自號詩廬。詩以外無他嗜好。日把其新舊詩稿如束筭。詣所知數里外商量不勑。嘗爲人勦使觀劇。自午至酉。萬聲闐咽中。攢眉搜腸。成五言古一篇。

胡名朝梁。江西沿山人。官主事。

楊杏城與樊樊山交甚摯。嘗問樊曰。余詩於古人奚似。樊曰。自具一種綽約之態。殊肖玉谿。此意外人那得知。則亦以爲似某某也。

楊樊俱見前。

狄平子工詩。有句云。晨昏大生死。萍絮小滄桑。桂伯華嘗嗜誦之。謂得禪中味。

狄桂俱見前。

廖季平爲文古樸。所著公羊論。與其師王湘綺公羊箋。陳義多不侔。湘綺對季平曰。睹君此作。吾媿弗如。

廖名平。四川井研人。進士。以知縣即用。自謂才不勝百里。請改教諭。遷授綏定府教授。嘗分校廣雅書。

尊經書院。著有公羊論。穀梁義疏。周禮考論。語徵等書。

秦晦鳴以所著駢文一冊示陳衍。陳曰。可方石笥山房。秦曰。詎止此耶。陳曰。唐

四傑何如。

秦見前。

易中實少負奇才。得名最早。八歲能詩文。十五通羣書。張之洞開府武昌。延入幕。一日會於黃鶴樓。至者有梁鼎芬。鄭孝胥。黃紹基。陳衍諸人。易年最少。援筆賦詩。須臾而成。徧眎四座。諸客橋舌不下。

易見前。

劉申叔爲文百篇。以眎王闔運。王曰。非但爲人所不能闡發。即索解人亦正不易得。申叔狂喜。

劉見前。

宋芸子作泰西采風記成。以示張文達。文達曰。不獨文字詳贍。更見歐美諸巨邦之政蹟民俗。一時紙貴洛陽。

宋名育仁。四川富順人。戊戌翰林。授檢討。充廣西鄉試副考官。無錫薛福成奉命使英。奏調爲參贊。返國後。朝貴交薦其賢。無所成就。乃主講成都尊經書院。湖北巡撫譚繼洵疏薦其才。堪出使。方抵京師。適政變禍作。遂以道員改官鄂省。未二月。卽充宜昌厘稅總辦。夏時撫贛。以王湘綺之薦。夏乃調之贛。

充銅元局總辦。嗣以郵傳部尙書張百熙疏薦。以參議記名簡用。入民國。湘綺總裁國史館。任爲纂修。育仁著論主張復辟。輿論駭異。

章太炎學術文章。海內稱最。針砭政治之文。深切峻厲。讀者拍案叫絕。

章見前。

王書衡文若孫淵如。詩似蔣荅生。清言雅韻。蜚聲一時。

王名式。通山西汾陽人。戊戌翰林。歷官至大理院民科推丞。民國三年授政事堂機要局局長。五年補國務院參議。六年任水利局副總裁。

孫師鄭工駢體文。典麗綺藻。中有簡靜肅穆之氣。論者謂合洪稚存袁簡齋爲一手。

孫名雄。江蘇常熟人。進士。吏部主事。師其鄉翁文恭。嘗爲北京大學文科教習。著有詩文集。並纂輯近賢詩二百家。

沈寐叟陳石遺言詩。沈曰。余夙喜山谷。陳曰。君愛艱深。薄平易。則山谷不如宛陵。沈乃向陳借宛陵詩。亟讀之。陳並舉殘本爲贈。

沈陳俱見前。

鄭太夷稚辛兄弟都工詩太夷精悍稚辛婉約

鄭見前

鄭名孝經舉人江蘇知縣入民國爲安徽政務廳長

楊昀谷官白下塊然獨處如苦行僧終歲苦吟有作必以眎陳衍趙熙

楊名增華江西新建人由主事改官知府分四川民國三年任參政院秘書六年任司法部秘書

饒石頑博綜廣聞歌詠弗輟能以少許勝人多許嘗爲頤和園辭以誌哀極似

元微之建昌宮詞

饒名智元湖南長沙人舉人官京曹旋以道員需次陝西端方督兩江奏派爲歐州留學生監督民國三年上書政府有散兵屯田之請遭時疑忌竟罹隕身之禍聞者冤之著有湘緣館詩未梓行已梓者有十國雜事詩全明宮詞二種

易寅村究心學問結廬白沙泉畔閉戶讀書精校刊之學校定經典五十種少肄業兩湖書院著論糾正王氏公羊箋之誤楊惺吾奇賞之有大著槌碎湘綺樓語

易名培基湖南長沙人著有清史例目糾誤訂正繆校山之失頗多是處其文載甲寅雜誌見前

楊

陳石遺。久居都門。相從爲詩者數十人。陳曰。討論之契。無如趙堯生。陳仁先。進學之猛。無如羅揆東。梁衆異。黃秋岳。

陳見前。

趙名熙。四川榮縣人。翰林官御史。以直諫罷去。自此不復出。

陳名曾。壽湖北新

水人。癸卯進士官學部員外郎。

梁見前。

羅名惇。廣東順德人。郵傳部郎中。嘗爲北京

大學堂教習。

黃見前。

黃任之。嘗漫遊國內外。考察教育。爲記累百萬言。薄直隸教育廳長而不爲。或問曰。君素熱心教育。一旦作官。遇事當無阻。奈何棄之。黃曰。官受制。駑駘不克勝任。不如以平民傳教育。

黃名炎。培江蘇川沙人。舉人。久任江蘇教育會正副會長。民國初元。任江蘇教育司長。旋爲江蘇省議員。組織職業學校於上海。提倡實用教育。頗着成效。

康南海。作不忍雜誌。文氣浩瀚。詞旨悲壯。唐士行嘗手一篇曰。斯真老成金玉之音。

康見前。

唐名瑞。獨貴州息烽人。爲故雲南巡撫唐炯之孫。壬寅進士。授度支部員外郎。擢加四

品卿銜。充河南財政正監理官。入民國。任中國銀行總辦。旋被舉爲衆議院議員。國會解散後。充重慶

中國銀行行長。梁啓超長財政部。調爲參事。外任吉林財政廳廳長。

梁任公閱覽博聞於書無所不通。文才縱橫。有過人之識。無不盡之言。

梁見前。

黃季剛少承父學。讀書多神悟。尤善音韻。文辭澹雅。章太炎曰。季剛清通練要之學。幼眇安雅之辭。並世難得其比。

黃見前。

嚴又陵貫通中外。所譯天演論。原富。名學。諸書。文筆雅馴。罕有其匹。

嚴名復。福建閩縣人。留歐海軍大學畢業。歷充福州船政學校。烟台海軍學校教習。以道員指分直隸政府。以其精深文學。授爲文科進士。充北京大學教習。載洵奉命赴歐美考察海軍。以復爲海軍宿學。欲挈之偕行。復以病辭。民國授海軍少將。任參政院參政。楊度發起籌安會。復亦列名。世稱籌安六君子。復其一也。譯著羣學肄言。羣己權界論。社會通詮。孟德斯鳩法意。政治講義。諸書。

章一山。學宗實齋。嘗對人曰。予讀書四十年。方知名節足以保身。

章名授。浙江寧海人。甲辰進士。授翰林院檢討。其姻家朱啓鈴爲項城所寵信。權傾一時。屢薦其賢。項城三徵之不起。

鄭叔開偃蹇江海。僑寄吳門。嘗以詩易得滇鶴。翅足碩異。一日王湘綺顧訪。謂有太白巢大匡。養奇禽之風。爲題大鶴榜所居。因自號大鶴仙人。

鄭名文煒。廣東南漢人。舉人。官內閣中書著詞源辭律。冷紅比竹餘音諸集。

王見前。

李審言博學工詞翰。平生楷模汪中。嘗曰容甫比於孝標。固已不逮。余於容甫又慙下焉。

李名詳。江蘇興化人。著有詩文集。

吳綱齋隱居珂鄉。閉戶著述。成晉書辭注十二卷。旁搜博考。爲例凡十一。曰溯源。二曰摭逸。三曰辨例。四曰正誤。五曰削繁。六曰考異。七曰表微。八曰補闕。九曰廣證。十曰存疑。自書不敢謂乙部之功。臣或竊附唐人之諍友。

吳名士鑑。浙江杭縣人。壬辰以一甲第二名授翰林院編修。遷侍讀。南書房行走。外督江西學政。著有清宮詞。一時傳誦。

陳子言與俞格士。爲文字骨肉。屏絕世務。冥心孤往。一意苦吟。人稱爲今之賈閻仙。李才江。

陳名詩。安徽廬江人。

俞見前。